

7. Franska. Nemandi skal hafa lesið sem svarar 100 bls. í 8 blaða broti, og skal lesefnið snerta iðn hans að svo miklu leyti sem unnt er.

86  
31. júlí

### B. Sérkröfur í matreiðslu.

1. Nemandi skal kunna að hluta sundur skrokka af lömbum, svínnum, kálfum og nautum, og vita í hvaða matarrétti hentugast er að nota hvern vöðva eða vöðvaluta af þessum kjöttegundum. Hann skal kunna allar algengar aðferðir við að steikja og sjóða kjöt og fisk, og geta matreitt algenga heita og kalda matarrétti.

2. Nemandi skal geta bakað algengar kökutegundir, sem notaðar eru í eftirrétti, svo og brauðkollur og sniðtígla af ýmsum gerðum.

3. Nemandi skal kunna skil á næringarefnum og helztu efnasamböndum fæðutegunda. Hann skal vita hvernig fæðutegundirnar breytast við mismunandi matreiðsluaðferðir. Hann skal vita hver bætiefni eru í algengum fæðutegundum, og hvernig þau verði bezt varðveitt.

4. Nemandi skal þekkja til hlítar þau hráefni, sem hann vinnur úr, og vita, við hvaða aðstæður er bezt að geyma fæðutegundir, og hvernig þær verða bezt hagnýttar. Hann skal þekkja alla lögboðna stimpla á kjöti, svo og önnur gæðamerki á matvælum, sem lögboðin eru hér á landi.

### C. Sérkröfur í framreiðslu.

1. Nemandi skal kunna að leggja á borð, þar sem framreiða skal kaldan og heitan mat, og að ganga um beina. Hann skal kunna skil á öllum algengum framreiðsluaðferðum og meðferð drykkjarfanga.

2. Nemandi skal vita í aðalatriðum, hvaða hráefni eru í algengum matarréttum. Hann skal kunna að semja matseðil, og enn fremur að skera fyrir (tranchera) algenga fisk- og kjötrétti.

### 19. gr.

Lágmarkskröfur til prófs fyrir matsveina á fiskiskipum og flutningaskipum, sbr. 2. gr. 3. tölul., skulu vera sem hér segir:

1. Nemandi skal kunna að búa til algenga matarrétti. Hann skal kunna að baka brauð og algengar kökutegundir.

2. Nemandi skal þekkja til hlítar þær matvörur, sem hann vinnur úr. Hann skal vita, við hvaða aðstæður bezt er að geyma fæðutegundir, og hvernig þær verða bezt hagnýttar. Hann skal þekkja lögboðna stimpla á kjöti, svo og önnur gæðamerki, sem lögboðin eru hér á landi.

3. Skólastjóri og skólanefnd ákveða prófkröfur í almennum námsgreinum, með hliðsjón af því námsefni, sem farið hefur verið yfir.

## VI. KAFLI

### Um stjórn skólans.

### 20. gr.

Samgöngumálaráðuneytið hefur yfirstjórn skólans, en daglega stjórn hefur skólastjóri á hendi. Ráðherra skipar til 4 ára í senn fimm manna skólanefnd, er hefur á hendi yfirumsjón skólans. Skal nefndin skipuð einum framreiðslumanni, matreiðslumanni, einum veitingamanni, og einum fiskiskipamatsveini, og skulu þessir menn skipaðir eftir tilnefningu hlutaðeigandi stéttarsamtaka, en fimmti nefndarmaðurinn án tilnefningar. Ráðherra skipar einn nefndarmannanna formann.

86

31. júlí

21. gr.

Ráðherra skipar skólastjóra og aðra fasta kennara að fengnum tillögum skólanefndar. Skólastjóri skal jafnframt vera bryti skólans, en fyrsti kennari skal vera framreiðslukennari, og skal hann einnig hafa yfirumsjón í veitingasal skólans. Skólastjóri ræður stundakennara í samráði við skólanefnd og með samþykki samgöngumálaráðuneytisins. Annað starfsfólk skólans ræður skólastjóri.

Ráðherra ákveður kennslu- og starfsskyldur skólastjóra og kennara, að fengnum tillögum skólanefndar.

22. gr.

Skólastjóri hefur á hendi daglega stjórn skólans í samráði við skólanefnd.

Hann skal sjá um, að góðri reglu sé haldið í skólanum. Hann hefur á hendi reikningshald skólans og hefur eftirlit með viðhaldi og ræstingu á húsnæði og munum skólans.

Skólastjóri skal senda samgöngumálaráðuneytinu eftir hver áramót reikninga skólans fyrir næstliðið ár ásamt fylgiskjólum, og einnig skal hann senda fræðslumálastjórninni skýrslu um starf skólans á liðnu skólaári.

23. gr.

Skólastjóri skal sjá um að í skólanum séu eftirtaldar bækur: Nemendaskrá, prófbók, bréfabók, áhaldabók og dagbók, og að reglulega sé í þær ritað, eftir því sem við á.

## VII. KAFLI

### Um nemendur skólans.

24. gr.

Nemendur skulu jafnan vera komnir í skólann á hverjum kennsludegi áður en kennsla hefst. Ef nemandi getur ekki sótt skólann sökum sjúkleika, eða af öðrum gildum ástæðum, skal hann samdægurs senda skólastjóra tilkynningu um það. Skólastjóra ber að grennslast eftir rökum fyrir fjarveru nemenda, ef eigi er sent læknavottorð.

Í byrjun hvers ársnáms skal afhenda hverjum nemanda viðverubók og skal vikulega skrá í hana, hve oft nemandann hefur vantað í skólinn seinastliðna viku og af hvaða ástæðum, svo og hve oft hann hefur mætt of seint. Skal nemandinn síðan sýna heimilisföður sínum (eða móður) og meistara bókina og fá áritun þeirra. Bók þessa má svo nota sem prófskirteini milli bekkja og við ákvörðun um einkunn fyrir ástundun og hegðun.

25. gr.

Nemendur skulu vera þrúðmannlegir í framkomu. Þeir skulu sýna skólastjóra og kennurum hlýðni, og rækja nám sitt með alúð og nákvæmni. Reykingar og neyzla áfengis er bönnuð í skólanum.

26. gr.

Valdi nemandi skemmdum á eignum skólans, skal hann bæta þær að fullu. Ef fullvíst er, að slíkar skemmdir hafi orðið af völdum nemenda í ákveðinni deild og enginn gengst við, skulu nemendur þeirrar deildar bæta allir í félagi.

27. gr.

Nú gerist nemandi brotlegur við reglur skólans, og skulu þá kennarar vanda um við hann eða eftir eðli brotsins tilkynna skólastjóra, sem áminnir nemanda, ef hann telur þörf á. Skipist nemandi ekki við áminningu kennara eða skóla-